

SAN JUAN CARTA NMEJTEWE'SH

Gayo ew yūuna fi'nzeni's we'weni

¹ Tjē'j jīna cysusu'ty tyāatj fi'ja' naa carta's andy peeygāanisa Gayo's wechana.

² Yacjtjē'lj peeygāanisa, andya' iindy pa'gate Dyus yacj puuty we'wena ūstju quījteva ewrrāa ātsa'mée fi'nzecajn, ma'wēnga Dyus yacj chjāchja fi'nze' tyā'wēy. ³ Indya' Dyus we'weni isasa's jypumbamée Dyus yacj ew fi'nzeni's yacjtjē'ljwe'sh pa'jrra pta'shte', wala wechatj. ⁴ Andya' quīj yujnava tyā'wē yu' wecha'tsmeetj, naasāa andy luuchwe'sh tyā'wē Dyus we'weni isasa's jypumbamée ūsta' jīna pta'shni yuurraac jytjaacue ya'wecha'.

⁵ Yacjtjē'lj peeygāanisa indya' bagachteva pu'vitumée selpiina ūsngu vite quiweju yacjtjē'ljwe'sh cytee pa'jsaty pu'chna. ⁶ Tyāawe'sha' ayte yacjtjē'ljwe'sh pcjaacjenite pta'shtyi iindy peeygājna pu'chni's. Tyāasa bagachteva meen pu'ch tyāawe'sh dyi'tje u'jwa'lj peejini's Dyus wechacajn. ⁷ Tyāawe'sha' casejty Jesucristo caapiya'jni's pta'shna u'juya', nava dyi'tje u'jwa'lj peejini's pēyi'tsmeeta' Dyusa's jiimeesa yuutyi's. ⁸ Tyāa pa'ga cue'sha' quīj peejiitsteva pu'chji ji'ptja'w Dyus we'weni isasa's pta'shsatyi'. Tyā'wē yūunisa Dyus yuwe's jyucaysa ja'ndarraaj mjiini yaase'.

Diótrefes ewmée yūuna fi'nzeni

⁹ Andya' teech carta fi'tj cytee pcjaacjesawe'shtyi, nava Diótrefes yu' nwēese'ljme' cue'sh we'weni's tyāarrāa jycaajna ūs wēerra. ¹⁰ Tyāa pa'ga andya' pa'jrra tyā'sa' pa'yarra we'we'nja, tyā'wē yuwe susna cue'shtyi nuywe'wena u'jupa'ga. Tyā'wērrāa yūumée, vite ecaju yacjtjē'ljwe'sh pa'jsaty jypa'ga'tsme', sa' vite jypa'ga wēesa yuutyi's ajtserra tyāa pcjaacjenijū cutyi'ji'c.

¹¹ Yacjtjē'lj peeygāanisa, ewmeesa na'wēy yu' fi'nzewa'ljme', naasāa ewsa ma'wē fi'nzetste', tyā'wē yuurraa fi'nzewa'ja'. Ew yūuna fi'nzesa' Dyus yacj fi'nzesa'. Nava ewmée yūusa', Dyus yacjmée fi'nzesarra tyā'wē yuuna.

Demetrio ew fi'nzeni

¹²Demetrio' wala ewsa' jĩnaty we'we' jyucaysa. Tyã'wě ew fi'nzete', tyajy ew fi'nzeni írráa nwe'we'c. Atsa' cue'shva jii'tja'w tyã'wě ew fi'nzeni's. I'cue'sha' peecy jii i'cue cue'sh isa we'weni's.

Nmejte we'wena fi'jni

¹³Andyá' wala puuty we'wewa'j ji'ptju, nava fi'jrra cajatsmeetj,
¹⁴dund puuty uyrra puuty we'we'nja sũjrra.

¹⁵Ayjuuwe'sh namicu indya's wala yuwe wechaa caja'ty. Cysũ namicuwe'shtyiva teeche na'wěrraj yuwe meen wecha. Dyus yacj mfi'nze.